

# Dženeta Hadžić, dipl. pravnik - Magistarski rad

Fakultet/Akademija	PRAVNI FAKULTET
Tip Rada	Magistarski rad
Kandidat, zvanje	Dženeta Hadžić, dipl. pravnik
Naziv Teme	Kontrahiranje u sistemu obaveznog zdravstvenog osiguranja Bosne i Hercegovine u svrhu optimalnog ostvarivanja prava osiguranih lica
Rezime/Abstract	Jedan od najvažnijih ciljeva svake zemlje u svijetu je da obezbijedi sistem zdravstvenog osiguranja na osnovu koga će se postići najviši mogući nivo zdravlja njenih stanovnika. Prema ustavnim rješenjima u Bosni i Hercegovini (dalje: BiH) ne postoji jedinstven sistem zdravstvenog osiguranja. Zbog visoke fragmentacije sistema, oba entiteta, a posebno FBiH, ne postoji mogućnost za udruživanje rizika. Iz istih razloga postoji i nemogućnost prijenosa prava iz zdravstvenog osiguranja, što doprinosi ograničenom pristupu uslugama zdravstvene zaštite. Na području BiH-a, u više navrata, provođene su reforme mehanizama plaćanja zdravstvenih usluga i ugovaranja zdravstvene zaštite. Dio iskustava iz tih projekata je prihvaćen u svim dijelovima BiH-a, naročito ona koja se odnose na kupovinu i ugovaranje usluga porodične medicine. U suštini, primjenjuje se Bismark-ov koncept socijalnog osiguranja, s određenim primjesama Beveridge-ovog modela jer su utvrđene i obaveze države da u određenom dijelu finansira zdravstveni sistem (kroz osnivačka prava, investiciona ulaganja, izdvajanja iz budžeta, javno zdravstvo i sl.). Sredstva za zdravstvenu zaštitu su van državnog budžeta/u izvanbudžetskim fondovima, što omogućuje transparentnost i strogo namjensku upotrebu raspoloživih sredstava za finansiranje prava osiguranih lica. U jednom dijelu BiH-a, odnosno na području RS-a i BD BiH-a, doneseni su zakoni o javno-privatnom partnerstvu, dok na području F BiH-a nisu stvoreni legislativni preduslovi za takvo partnerstvo, pa ni u sektoru obaveznog zdravstvenog osiguranja. Zakonske propise iz oblasti zdravstvenog osiguranja usvojila su zakonodavna tijela entiteta i BD BiH-a. Postupak ostvarivanja prava iz obaveznog zdravstvenog osiguranja realizuje se u zdravstvenim ustanovama, sa kojima su fondovi/zavodi zaključili ugovore. Kontrahiranje u sistemu obaveznog zdravstvenog osiguranja, predstavlja najefikasniji način obezbjeđenja pružanja usluga zdravstvene zaštite ukoliko se poštuju osnovna pravila za ovu vrstu ugovora, a naročito ona koja se odnose na jasne definicije, indikacije i normativni okvir za zaključivanje ugovaranjem u sistemu obaveznog zdravstvenog osiguranja, korisniku usluga (osiguranom licu), obezbjeđuje se dostupna preventivna zdravstvena zaštita, liječenje akutnih i hroničnih bolesti i rehabilitacija. Kroz analizu bitnih elemenata ugovora, kao pravnog posla sa aspekta odredbi Zakona o obligacionim odnosima elaborirani su svi elementi i sve specifičnosti ugovora o ostvarivanju prava iz oblasti zdravstvene zaštite. Posebno je obrađen dio kojim se uređuje postupak ugovaranja iz obaveznog zdravstvenog osiguranja na području F BiH-a. Izvršena je uporedna analiza ugovora o ostvarivanju prava iz obaveznog zdravstvenog osiguranja, sa ugovorom u korist trećeg lica i njegovim karakteristikama utvrđenim odredbama ZOO-a. Poseban akcenat stavljen je na aktivnosti vezane za donošenje planova i programa zdravstvene zaštite, utvrđivanje potreba osiguranih lica/korisnika zdravstvene zaštite, programiranje potrebnog broja timova (kadra), usluga, postelja i dana ležanja za područje TK u 2011. godini, s ciljem ukazivanja na potrebu adekvatnog planiranja potrebnih finansijskih sredstava od strane fonda, kao kupca usluga, za plaćanje ugovorene zdravstvene zaštite ugovornim ustanovama. Kontrahiranje u sistemu obaveznog zdravstvenog osiguranja, nakon što se uvedu u praksu nove metode plaćanja ugovornih usluga (posebno DRG metod), učinit će da se prvi put u fokusu stvarno nađe korisnik zdravstvene zaštite, te neće ni, u kom slučaju predstavljati smetnju za ostvarivanje komparativne tržišne utakmice između kompetativnih davalaca usluga.
Datum	26.06.2012
Predsjednik	Dr sc. Šefkija Čović, redovni profesor, - emeritus, Nastavni predmet "Privredno pravo", Pravni fakultet Univerziteta u Sarajevu
Mentor	Dr sc. Hajro Kofrc, vanredni profesor, Uža naučna oblast „Gradansko - pravna“, Pravni fakultet Univerziteta u Tuzli
Član komisije	Dr sc. Edin Rizvanović, vanredni profesor, Nastavni predmet "Privredno pravo", Pravni fakultet Univerziteta „Džemal Bijedić“ u Mostaru
Član komisije	-
Član komisije	-
Zamjenski član	-
Dodatačni detalji i lokacija	dana 26. 06. 2012. godine u 12,00 sati na Pravnom fakultetu Univerziteta u Tuzli
Zavrsne Odredbe	Pristup javnosti je slobodan. Rad se može pogledati u Sekretarijatu fakulteta radnim danom od 08 do 14 sati.